



BASES DO III CONCURSO DE DECORACIÓN DO NADAL

1. OBXECTIVO.-

O Concello de Marín a través das Concellerías de Comercio e Festas convoca o III Concurso de Decoración do Nadal co obxecto de fomentar a participación cidadá no embelecemento e ornamentación da vila, facendo cómplices a comerciantes, hostalería e veciñanza da imaxe de Marín.

Mediante este concurso preténdese promover a creatividade que durante o Nadal na nosa vila, se potencie o ambiente de Nadal, así como fomentar o aspecto artístico e o carácter tradicional.

Para promover o interese e a participación, e para un maior realce do concurso, o Concello concederá premios económicos aos participantes que resulten gañadores, segundo os criterios de valoración e puntuación que se determinan nestas bases.

O procedemento de concesión destes premios tramitarase en réxime de concorrencia competitiva.

2. PARTICIPANTES.-

Poderán participar no concurso e, por tanto, poderán ser beneficiarios nos termos establecidos nestas bases: vivendas, comunidades de propietarios de edificios, hostalería, comercios e/ou negocios que estean ubicados no termo municipal de Marín.

Para poder participar será necesario presentar a solicitude que se indica no Anexo I.

3. CONDICIÓNNS DE PARTICIPACIÓN.-

A decoración deberá estar exposta dende o 10 de decembro de 2022 ata o día 6 de xaneiro de 2023.

As decoracións e adornos teñen que ser típicos de Nadal e a zona elexida para ser decorada ten que ser totalmente visible dende a vía pública.

Non se poderá participar nas tres categorías de forma simultánea, nin nunha categoría que non se corresponda co tipo de modalidade.

4. CATEGORÍAS E MODALIDADES.-

Establécense tres categorías:

1ª.- COMERCIO E/OU NEGOCIOS

Valorarase en conxunto o mellor escaparate e exterior do establecemento, co ambiente propio das festas, utilizando elementos tradicionalmente de nadal, iluminación da instalación e composición. Os obxectos de venda que se atopen nos escaparates poderán ser cambiados durante este periodo, sempre que non se modifique a decoración do escaparate.

2ª.- HOSTALERÍA

Valorarase en conxunto a decoración dos ventanais e exterior do establecemento participante, co ambiente propio das festas, utilizando elementos tradicionalmente de Nadal, iluminación da instalación e composición.

3ª.- VIVENDAS



Establécense dúas modalidades:

- 3.1. *Comunidade de veciños dun edificio*: Poderán participar todas as Comunidades de veciños de Marín que decoren o exterior dos seus edificios e só se valorará as decoracións que sexan totalmente visibles dende a vía pública.
- 3.2. *Vivendas unifamiliares*: Poderán participar os residentes en calquera vivenda unifamiliar ubicadas en Marín que decoren o exterior das súas vivendas e só se valorará as decoracións que sexan totalmente visibles dende a vía pública.

5. INSCRICIÓN.-

Os interesados en participar no concurso de decoración poderán inscribirse gratuitamente ata o día 10 decembro de 2022, utilizando o modelo normalizado de participación (anexo I), onde se indicarán os seguintes datos:

- a) Nome do establecemento comercial ou de hostalaría e dirección donde se ubica.
- b) Nome da persoa que ostente a representatividade do mesmo.
- c) DNI da persoa representante.
- d) Teléfono de contacto e correo electrónico.

No se admitirán solicitudes presentadas fora do prazo indicado no parágrafo anterior.

A solicitude de inscrición poderá obterse nas dependencias do rexistro do Concello de Marín, ou ben pode ser descargado na páxina web do concello www.concellodemarin.es.

Unha vez cumprimentada a solicitude poderá ser presentada a través da sede electrónica do Concello de Marín (www.concellodemarin.es) ou ben de forma presencial sempre que non se trate dun dos obrigados a relacionarse coa administración de forma telemática utilizando calquera dos medios indicados no artigo 16 da Lei 39/2015, do 1 de outubro, do procedemento administrativo común.

6. MONTAXE.-

Os elementos decorativos situaranse sobre as fachadas, balcóns, ventás, escaparates, exteriores, sen causar perigo nin prexuízo para as persoas e os bens, e sen ocupar as vías de circulación.

En caso de realizar a ornamentación aproveitando o voo das vías públicas (colocación guirnaldas, faroliños, iluminación...), deberase contar coa aprobación dos donos dos inmobles.

Os comercios e/ou negocios, hostalería e participantes en calquera das modalidades de vivenda, serán os encargados e responsables da seguridade, montaxe, coidado, mantemento e desmontaxe.

7. OBRIGATORIEDADE E RESPONSABILIDADE.-

Os participantes deberán aportar antes do día 14 de decembro de 2022 (incluído) cando menos 3 fotografías polas que se poida visualizar a decoración realizada. A achega das fotografías realizarase á conta de correo electrónico concursos@concellodemarin.es facendo constar o número de rexistro da solicitude e a identidade do representante.

Deberanse respectar as normas para a montaxe, debendo estar a decoración rematada o día 10 de decembro de 2022.



En caso de utilizar pintura, deberá ser diluible para que as rúas recuperen o seu estado normal.

En todo caso, o Concello queda exonerado das responsabilidades derivadas dos danos materiais, físicos ou de calquera outra natureza que se poidan producir a terceiros con motivo dos traballos de instalación, montaxe e desmontaxe.

Calquer modificación destas bases será publicada na páxina web e redes sociais do Concello.

8. PREMIOS.-

Destínase un crédito de 2.400€ que se imputará á aplicación orzamentaria 33848100 do orzamento de gastos do ano 2022 para a concesión de premios aos participantes no III Concurso de Decoración do Nadal con motivo da celebración das festas.

Establécense os seguintes premios por categoría e modalidade:

1º.- COMERCIO

- ✓ 1º PREMIO: 300€.
- ✓ 2º PREMIO: 200€.
- ✓ Sorteo entre tódolos participantes, excepto os gañadores, nesta modalidade por valor de 100€.

2º.- HOSTALERÍA

- ✓ 1º PREMIO: 300€.
- ✓ 2º PREMIO: 200€.
- ✓ Sorteo entre tódolos participantes, excepto os gañadores, nesta modalidade por valor de 100€.

3º.- VIVENDA

3.1.- COMUNIDADE DE VECIÑOS DE EDIFICIO.

- ✓ 1º PREMIO: 300€.
- ✓ 2º PREMIO: 200€.
- ✓ Sorteo entre tódolos participantes, excepto os gañadores, nesta modalidade por valor de 100€.

3.3.- VIVENDA UNIFAMILIAR

- ✓ 1º PREMIO: 300€.
- ✓ 2º PREMIO: 200€.
- ✓ Sorteo entre tódolos participantes, excepto os gañadores, nesta modalidade por valor de 100€.

O pago dos premios será realizado mediante transferencia bancaria na conta designada polo gañadores. Os premiados deberán aportar declaración responsable de estar ao corrente nas súas obrigas tributarias e coa seguridade social, de conformidade co establecido no artigo 24 do Real decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, xeral de subvencións.

9. XURADO.-

O Xurado do concurso estará composto por:

- Presidencia: Alcadesa do Concello de Marín ou en que delegue.
- 2 Representantes do Concello.
- 1 Funcionario Municipal.



- 2 Representantes veciñais de Marín.

O xurado valorará a todos os participantes que figuren debidamente inscritos.

10.- CRITERIOS DE OUTORGAMENTO DOS PREMIOS.-

O xurado valorará aos participantes segundo os criterios:

- a) Que os adornos conteñan motivos alusivos ás festas de nadal.
- b) Boa iluminación. Terase en conta que sexa LED co fin de incentivar o aforro enerxético.
- c) Orixinalidade e singularidade da decoración.

11. FALLO.-

O xurado propondrá a concesión dos premios a aqueles establecementos, comercios e/ou negocios e particulares que obteñan maior puntuación nos distintos criterios.

O xurado levantará acta da valoración e poderá declarar desertos os premios se considera que non se alcanza un nivel mínimo de calidade.

O fallo do xurado realizarase o luns día 26 de decembro de 2022 e será inapelable.

12.- NOTIFICACIÓN AOS PREMIADOS e PARTICIPANTES.-

Para os efectos da práctica da notificación do resultado da valoración aos premiados, participantes e demais interesados, realizarase unicamente mediante publicación dos premiados no Taboleiro de anuncios do Concello e na web municipal, de acordo co artigo 40 e 45.1.b) da Lei 39/2015, do 1 de outubro, do Procedemento Administrativo Común das Administracións Públicas, ao tratarse de actos integrantes dun procedemento de concorrencia competitiva.

13. ACEPTACIÓN DE BASES.-

O feito de participar no concurso implica o coñecemento e a aceptación destas bases.

O Concello de Marín resérvase o dereito para introducir, se o cre conveniente, as modificacións necesarias para o bo funcionamento do concurso.

14. INCUMPRIMENTO.-

O incumprimento dalgunha das bases levará implícita a descalificación no Concurso.

15.- NORMATIVA APLICABLE.-

As presentes bases vinculan á administración, ao xurado e a quen participe nas probas, e tanto a convocatoria coas súas bases e cantos actos administrativos se deriven das mesmas e das actuacións do xurado, poderán ser impugnadas polos interesados nos casos e formas que determine a Lei 39/2015, do 1 de outubro, do Procedemento Administrativo Común das Administracións Públicas; Lei 40/2015, do 1 de outubro, de Réxime Xurídico do Sector Público, así como no seu caso, na Lei 29/1998, do 13 de xullo, reguladora da Xurisdición Contencioso-Administrativa.



Anexo I

SOLICITUDE INSCRICIÓN III CONCURSO DECORACIÓN NAVIDEÑA

Nº INSCRICIÓN:

DATOS DO SOLICITANTE:

Nome e apelidos: _____

D.N.I. /C.I.F.: _____ Número de teléfono: _____

Enderezo: _____

Enderezo electrónico: _____

CATEGORÍA: Marque a categoría e modalidade na que desexa participar:

☐ **COMERCIO OU NEGOCIO**

Nome do establecemento: _____

☐ **HOSTALERÍA**

Nome do establecemento: _____

☐ **VIVENDA**

☐ Comunidade de veciños dun edificio. Nome: _____

☐ Vivenda unifamiliar.

INFÓRMASELLE que o Concello de Marín, en virtude do disposto no artigo 8 da Lei Orgánica 3/2018, de 5 de decembro, de Protección de Datos Persoais e garantía dos dereitos dixitais (LOPDGDD), procederá ao tratamento dos datos persoais aquí reflectidos, de acordo coas competencias atribuídas pola lexislación aplicable ao réxime local, en aras de dar cumprimento ao interese público propugnado polo artigo 103 da CE en relación co disposto na Lei 39/2015, de 2 de outubro, do procedemento administrativo común das Administracións Públicas, e co regulado no artigo 6 do Regulamento (UE) 2016/679, do Parlamento Europeo e do Consello de 27 de abril de 2016 (RXPd). O órgano responsable e encargado do tratamento é o Concello de Marín cuxa dirección é Avda. de Ourense s/n 36900 Marín (Pontevedra), segundo o disposto no Título V da LOPDGDD. Os datos proporcionados neste modelo normalizado e documentación anexa, pasarán a formar parte dun Rexistro do Concello de Marín (Pontevedra), onde poderá exercer os dereitos de acceso, rectificación, cancelación e oposición (incluíndo expresamente a limitación do tratamento) de acordo co Capítulo II do Título III da LOPDGDD; dirixindo ao Concello solicitude neste eido. Así mesmo, indicámoslle que o tratamento dos seus datos será realizado integramente segundo a LOPDGDD e o RXPd.

Ademais, informamos que todas as fotografías realizadas polos participantes no concurso de Decoración de Nadal levada a cabo polas Concellarías de Festas e Cultura do Concello de Marín, poderán ser utilizadas en distintos medios de difusión municipal, tanto en prensa escrita como dixital e nas redes sociais do Concello de Marín.

Sinatura:

En Marín, a ____ de _____ de 2022